


戰國策正解

秦下


三下




					和書門類
			二四	五七〇	
		六六			
一三五	架	函	號		

庫	文	閣	內	
九	二			和
一	四			書
函	五			
二	七			
一	〇			
架	冊	號	類	

內閣文庫	
番號	和 24570
冊數	13 (3)
函號	191 330





戰國策正解卷三下

秦下

昭襄王下

凡十六章



横田惟孝著

范子因王稽入秦。獻書昭王曰。臣聞明主莅正。有功者不得不賞。有能者不得不官。勞大者其祿厚。功多者其爵尊。能治眾者其官大。故不能者不敢當其職。焉能者亦不得蔽隱。使以臣之言為可。則行而益利。其道若將弗行。則久留臣無為也。

范子名睢字叔魏人也王稽秦謁者令正政通不得蔽隱謂不得自蔽隱其能也利通也言宜行其言而益通其道也林西仲曰以上言秦王

當使已面陳其言語曰。人主賞所愛而罰所惡。明主

則不然。賞必加於有功。刑必斷於有罪。今臣之胸。不

足以當樞質。要不足以待斧鉞。豈敢以疑事嘗試於

王乎。惡烏路反。斷丁亂反。質鑽同。要腰同。○人主當

從史記作庸主。言明主賞罰嚴明如此。微賤之

身。不敢以疑事試王。必雖以臣為賤而輕辱臣。獨不

重任臣者。後無反覆於前者耶。任音壬。○秦法任人

言則為反覆罪。其薦者。後無反覆於前者。謂薦任

得久也。林西仲曰。以上言已實有能。不當輕辱。臣

聞周有砥厄。宋有結綠。梁有懸黎。楚有和璞。此四寶

者。工之所失也。而為天下名器。然則聖主之所棄者。

獨不足以厚國家乎。厄當從史記作硯。砥硯以下四

者皆美玉名。史記工上有良字

此恐脫落。林西仲曰。不以良工失於鑿別。而減其價

以上言已雖見棄於魏。未必不可以利他國。曰良工

曰聖主為父母臣聞善厚家者。取之於國。善厚國者。

取之於諸侯。天下有明主。則諸侯不得擅厚矣。是何

故也。為其凋榮也。為于偽反。○大夫稱家。諸侯稱國。

諸侯所榮。而為明主所取。所以不得擅良醫知病人

之死生。聖主明於成敗之事。利則行之。害則舍之。疑

則少嘗之。雖堯舜禹湯復生。弗能改己。舍音捨。復扶

利害疑也。以上亦言秦王語之至者。臣不敢載之於

書。其淺者。又不足聽也。至謂極深也。林西仲曰。指太

己面陳意者。臣愚而不闔於王心耶。亡其言。臣者。將

賤而不足聽耶。

亡音無。○闔合也。吳師道曰：亡其猶亡耶，亡其憎懷而愛秦耶，及韓策聽子之謁而廢子之道乎，又亡其行子之術而廢子之請乎，吳說得之。言

言議也。賤，賤已也。林西仲曰：以不得見自疑。非若是也。則臣之志願少賜

游觀之間。望見足下而入之。

間音閑。○不敢直斥王

欲面陳以盡之也。書上秦王說之。因謝王稽，使入持車召之。

○上時掌反，說音悅。謝，謝其得久也。

考異

坊本無為作無謂，高本前有王字，無下者字。坊本綠作祿，何下無故字，曾本錢本劉本共榮作弊，高本亡作已，一作以，一作抑。諸本謝王稽下有說字，一本無，今從之。

范雎至。秦王庭迎。謂范雎曰：寡人宜以身受冷久矣。會義渠之事急，寡人日自請太后。今義渠之事已，寡

人乃得以身受命。躬竊閔然不敏，敬執賓主之禮。范

雎辭讓。

雎音雖。○庭迎，下堂而迎也。致敬也。義渠見前，先是秦取之，以為縣，以其君為臣，於是義渠我王與太后亂，有二子，太后詐殺我王於甘泉，遂起兵滅義渠，閔病也。敏，達也。言自竊病於不達事情。

是日見范雎見者，無不變色易容者。

下見賢遍反。○秦王屏左右，宮中虛無久。秦王跪而請曰：先生何以

幸教寡人。

屏必郢反。○林西仲曰：雎前上書云：語之至者，不敢載之於書，故王屏左右，欲聞其也。范雎曰：唯唯。唯唯。

西仲曰：應之而不言。有間。秦王復

請。范雎曰：唯唯。若是者三。秦王跽曰：先生不幸教寡

人乎。范雎謝曰：非敢然也。

復扶又反，下復見同。○跽，長跪也。

臣聞始

時呂尚之遇文王也，身為漁父，而釣於渭陽之濱耳。

若是者交疏也。父音甫，疏疎通，下皆同。○林西仲曰：漁父與國君，非有平生之素。己

一說而立為太師，載與俱歸者，其言深也。○說始銳反，林西仲

曰：言深，即前書所謂語之至者，非淺近之說也。故文王果收功於呂尚，卒擅

天下，而身立為帝王，即使文王疏呂望，而弗與深言。

是周無天子之德，而文武無與成其王也。卒子律反，下卒與同。

其王之王于況反，下霸王同。○即猶若也。林西仲曰：言文王不以呂尚為漁父，而疎之，與深言而成王業，

以比秦王與也。今臣羈旅之臣也，交疏於王，而所願陳者，皆

匡君臣之事，處入骨肉之間，願以陳臣之陋忠，而未

知王心也，所以王三問而不對者，是也。臣非有所畏

而不敢言也。知今日言之於前，而明日伏誅於後，然

臣弗敢畏也。處昌呂反，下皆同。○林西仲曰：君臣之事，其事大，骨肉之間，其語難，皆當深言，

但未知王心，不以羈旅為疎，而與之否。大王信行臣之言，死不足以為

臣患，亡不足以為臣憂，漆身而為厲，被髮而為狂，不

足以為臣耻，五帝之聖而死，三王之仁而死，五霸之

賢而死，烏獲之力而死，奔育之勇而死，死者人之所


必不免，處必然之勢，可以少有補於秦，此臣之所大

願也。臣何患乎。屬癩通，下同，被皮寄反，下同。○司馬

腫，若癩病然，愚謂亡放逐也。烏獲，孟奔夏育，皆勇力之士。伍子胥橐載而出昭關，

夜行而晝伏，至於淩水，無以餌其口，坐行蒲服，乞食

於吳市，卒興吳國，闔閭為霸，使臣得進謀如伍子胥。



加之以幽囚。終身不復見。是臣說之行也。臣何憂乎。

蒲服與匍匐同。○索載謂藏身於囊載而箕子接輿

漆身而為厲。被髮而為狂。無益於殷楚。使臣得同行

於箕子接輿。可以補所賢之主。是臣之大榮也。臣又

何耻乎。行下孟反。○林西仲曰。二子無益於主。猶臣

之所恐者。獨恐臣死之後。天下見臣盡忠而身斃也。

是以杜口裹足。莫肯即秦耳。所恐之恐。丘勇反。下所

也。關君長曰。史即作鄉。此恐壞字。杜口。不言也。裹足。不

行也。林西仲曰。言身死反。以累秦。失天下之心。所居深宮之

中。不離保傅之手。終身闇惑。無與照奸。大者宗廟滅

覆。小者身以孤危。此臣之所恐耳。若夫窮辱之事。死

亡之患。臣弗敢畏也。臣死而秦治。賢於生也。離力智

扶下同。治直吏反。○保傅。女保女傅也。林西仲曰。言

天下杜口裹足之後。則王所與處者。上則太后。下則

姦臣。而已在宮中。不聞外事。必致終其秦王跪曰。先

生是何言也。夫秦國僻遠。寡人愚不肖。先生乃幸至

此。此天以寡人恩先生。而存先王之廟也。寡人得受

命於先生。此天所以幸先生。而不棄其孤也。先生奈

何而言若此。事無大小。上及太后。下至大臣。願先生

悉以教寡人。無疑寡人也。范雎再拜。秦王亦再拜。恩

辱也。史記廟上有宗字。此恐脫落。范雎曰。大王之國。

北有甘泉谷口。南帶涇渭。右隴蜀。左關阪。戰車千乘。奮擊百萬。以秦卒之勇。車騎之多。以當諸侯。譬若馳韓盧而逐蹇兔也。霸王之業可致。今反閉關。而不敢窺兵於山東者。是穰侯為國謀不忠。而大王之計有所失也。乘繩證反。騎奇寄反。為于偽反。○齊策韓子盧。天下之疾犬也。博物志韓有黑犬名盧。

王曰。願聞所失計。睢曰。大王越韓魏而攻強齊。非計也。少出師。則不足以傷齊。多之。則害於秦。多出師國虛。則韓魏

或乘其間。故害於秦。臣意王之計。欲少出師。而悉韓魏之兵。則不義矣。已少出師。而使今見與國之不可親。越人之國而攻。可乎。疏於計矣。與國指韓魏。昔者齊人伐楚。戰勝

破軍殺將。再辟千里。膚寸之地無得者。豈齊不欲地

哉。形弗能有也。將子匠反。辟闢通。○關君長曰。再字不見所指。又與下文不協。疑當作且。

愚按史記辟下有地字。此恐脫落。側手曰扶。通作膚。諸侯見齊之罷露。君臣之

不親。舉兵而伐之。主辱軍破。為天下笑。所以然者。以

其伐楚而肥韓魏也。此所謂藉賊兵而齊盜食者也。

罷音疲。藉在夜反。○罷露疲羸通。又作罷潑。見呂子。藉賊兵二語。蓋古語。李斯亦引之。以上言秦越韓魏

而攻齊。其害亦如之。徐乎遠曰。秦之伐齊。其禍不至此。而深言之者。以下前言秦國之危。此猶隱之。若不重

言伐齊之害。疑首尾不相應矣。王不如遠交而近攻。得寸則王之寸。

得尺亦王之尺也。今舍此而遠攻。不亦繆乎。舍音捨。吳師

道曰。遠交近攻。秦一用。此術。破諸侯并天下。且昔者中山之地方五百里。

趙獨擅之。功成名立利附焉。天下莫能害。趙武靈王亡中山此之利。今韓魏中國之處。而天下之樞也。王若欲霸

必親中國。而以為天下樞。以威楚趙。趙強則楚附。楚

強則趙附。楚趙附。則齊必懼。懼必卑辭重幣以事秦。

齊附而韓魏可虛也。虛墟同。○樞謂樞要之地。虛謂可使為丘墟。王曰。寡

人欲親魏。魏多變之國也。寡人不能親。請問親魏奈何。

范雎曰。卑辭重幣以事之。不可。削地而賂之。不可。

舉兵而伐之。穆文熙曰。雎謂親魏非真親。伐乃真伐也。惟親之乃可伐之也。於是舉

兵而攻邢丘。邢丘拔而魏請附。邢丘魏邑。曰。秦韓之地形。

相錯如繡。秦之有韓。若木之有蠹。人之病心腹。天下

有變。為秦害者。莫大於韓。王不如收韓。王曰。寡人欲

收韓。韓不聽。為之奈何。范雎曰。舉兵而攻滎陽。則成

臯之路不通。北斬太行之道。則上黨之兵不下。一舉

而攻滎陽。則其國斷而為三。韓見必亡。焉得不聽。韓

聽而霸事可成也。王曰善。行戶剛反。焉於虔反。○穆文熙曰。雎懇切數百語。無

非下激發。秦王欲得此語。過此然後惟吾所言。無不聽矣。策士之術深哉。

考異 高本連前章今姑從坊本坊本迎下無謂字

得字請曰作進曰俱下有南字高本勇下有焉字

錢本上四句皆有坊本淺水作菱夫幽囚下無終

身二字諸本接與下有漆身二字一本無今從之

高本反閉下無關字姚宏曰李善引有關字臣意

止函師曾本錢本作臣計王之少出師不可親錢

本作可親纂重幣並作厚幣坊本無王不知收韓

一句高本欲收韓下無韓字
劉本有今從之坊本榮作宜

范睢曰臣居山東聞齊之有田單不聞其有王聞秦

之有太后穰侯涇陽華陽高陵不聞其有王穰侯華陽太后

弟涇陽高陵昭王弟夫擅國之謂王能專利害之謂王制殺生

之威之謂王今太后擅行不顧穰侯出使不報涇陽

華陽擊斷無諱高陵進退不請四貴備而國不危者

未之有也夫音扶使所吏反斷音短○擅亦專也不顧不顧王也報猶百也言不白王而擅遣

使於外也擊斷謂刑久進退進退人四貴謂穰侯以下四人為此四者下乃所謂

無王已然則權焉得不傾而令焉得從王出乎焉並於虞

反○四者臣聞善為國者內固其威而外重其權君關

長曰言是人主之事而太后穰侯自擅威權與善為國者相反穰侯使者操王之重

決裂諸侯剖符於天下征敵伐國莫敢不聽操七○關

君長曰使者謂使用事者也操猶挾也言再擅國事故其人挾秦王之重決裂從約上也天下總言山東之

國也愚謂剖分也符兵符也言再之使者分兵符於諸侯徵發其兵以征伐敵國而諸侯皆從其令上也此

言穰侯威權重戰勝攻取則利歸於陶國弊御於諸侯戰敗

則怨結於百姓而禍歸社稷弊斷也御制也謂下乘戰勝之威而斷中制於諸侯

此言利歸於再而害歸於王詩曰木實繁者披其枝披其枝者傷

其心大其都者危其國尊其臣者卑其主披並普靡反○下章

亦引此言無詩曰字淖齒管齊之權縮閔王之筋懸

之廟梁宿昔而死李兌用趙滅食主父百日而餓死

管總理也。猶專也。關君長曰。史縮作擢。義自不同。縮約束之也。蓋既擢其筋而約束之。以懸之廟梁也。或曰。縮與擢通。未知孰是。今秦太后穰侯用事。高陵涇陽華陽佐

之。卒無秦王。此亦淖齒李兌之類也。臣今見王獨立

於廟朝矣。且臣將恐後世之有秦國者。非王之子孫

也。卒子律反。朝直遙反。○危言以恐喝也。秦王懼。於是乃廢太后。逐穰

侯。出高陵涇陽華陽於關外。昭王謂范雎曰。昔者齊

公得管仲。時以為神父。今吾得子。亦以為父。齊下恐脫桓字。

考異

諸本齊之下有內字。今從一本。諸本華陽下無高陵二字。亦從一本。諸本諱下無高陵進退不請一句。涇陽下並無華陽二字。今皆從曾本類也。曾本作類。已纂同。諸本末高陵下有走字。今從一本。

應侯謂昭王曰。亦聞恒思有神叢與。

應於陵反。與音餘。○應侯范雎

也。恒思地名。神叢。神祠叢樹也。恒思有悍少年。請與叢博。曰。吾勝叢

叢藉我神三日。不勝叢。叢困我。乃左手為叢投。右手

自為投。勝叢。叢藉其神三日。叢往求之。遂弗歸。五日

而叢枯。七日而叢亡。

少詩照反。藉並在夜反。下同。為並于偽反。下為王同。○博局戲

也。投。投瓊也。鮑彪曰。右強而便。欲自取勝。今國者王之叢。勢者王之神。藉

久以此得無危乎。此言國勢不臣未嘗聞指大於臂。

臂大於股。若有此。則病必甚矣。此言臣之勢不百人

輿瓢而趨。不如一人持而走疾。百人誠輿瓢。瓢心裂。

以爭持者眾也。今秦國華陽用之。穰侯用之。太后用之。王亦

用之。不稱瓢為器則已。已稱瓢為器。國必裂矣。稱尺證反

○稱適也。言秦國不適瓢為器。用則止矣。既適瓢為器。用而眾爭用之。則國必分裂矣。猶百人與瓢也。以上言國勢。必不可分。

臣聞之。木實繁者。枝必披。枝之披者。傷其

心。都大者危其國。臣強者危其主。且今邑中自斗食

以上。至尉內史及王左右。有非相國之人者乎。國無

事則已。國有事。臣必見王獨立於庭也。臣竊為王恐。

恐萬世之後有國者。非王子孫也。披並普靡反。上時掌反。相息亮反。王

恐之。恐立勇反。○斗食。謂歲俸不滿百斛。計百而食。中一斗二分。見漢官表。相國謂穰侯。臣聞古

之善為政者。其威內扶。其輔外布。而治政不亂。不逆

使者直道而行。不敢為非。治直吏反。○關君長曰。據前章。輔恐權字訛。蓋言其

威持內。其權施外。使者謂使。用事者。今太后使者。分裂諸侯。而符布天

下。操大國之勢。徵強兵。伐諸侯。戰勝攻取。利盡歸於

陶國。之幣帛。竭入太后之家。境內之利。分移華陽。古

之所謂危主滅國之道。必從此起。操七刀反。盡津忍反。○據前章。今太

右當作穰侯之幣帛。猶其幣帛也。下章之力。三貴竭不同。可以見矣。謂下所得於諸侯之幣帛也。

國以自安。然則令何得從。王出。權何得毋分。是王果

處三分之一也。處昌呂反。○三貴。太后穰侯華陽也。竭國以自安。謂盡國勢利。以自安處也。上太后用之。下穰侯華陽用之。

中王亦用之。是王處三分之一也。

考異坊本無己稱之己字。高本聞之下有也字。諸本且今作其。今一本其作且。纂令作今。今從

之。高本王果上有我字。

秦昭王謂左右曰。今日韓魏孰與始強。對曰。弗如也。

王曰。今之如耳。魏齊孰與孟嘗芒卯之賢。對曰。弗如也。

也。如耳。韓臣。魏相。芒卯。魏將也。孟嘗先時相魏。王曰。以孟嘗芒卯之賢。

帥強韓魏之兵以伐秦。猶無奈寡人何也。今以無能

之如耳。魏齊帥弱韓魏以攻秦。其無奈寡人何。亦明

矣。左右皆曰。甚然。中期推琴對曰。王之料天下過矣。

論語舍瑟也。料量也。猶。中期。秦臣也。推琴。猶論語舍瑟也。料量也。昔者六晉之時。智氏最強。滅破

范中行。又帥韓魏以圍趙襄子於晉陽。決晉水以灌

晉陽。城不沈者三板耳。趙六卿分晉。故曰六晉。毛萇

曰。築墻者。一丈為板。何休曰。八尺曰板。胡三省曰。二尺為板。愚按。城不沈者三板。言水深而城危。則胡說

近是智伯出行水。韓康子御。魏桓子驂乘。智伯曰。始吾

不知水之可亡入之國也。乃今知之。汾水利以灌安

邑。絳水利以灌平陽。行下孟反。乘繩證反。○行。巡視也。驂。乘車右也。兵車將居。中御

居左。居右為車右也。安邑。魏桓子邑。平陽。韓康子邑也。魏桓子肘韓康子。康子

履魏桓子躡其踵。肘足接於車上。而智氏分矣。身死

國亡。為天下笑。肘。以肘築之也。躡。踏也。踵。跟也。不敢正語。故肘足相警悟也。今秦

之強。不能過智伯。韓魏雖弱。尚賢其在晉陽之下也。

此乃方其用肘足時也。願王之勿易也。易。以鼓反。○賢。猶勝也。易。

也。輕易也。

考異

坊本無左右皆曰甚然六字。曾本劉本共無。履魏桓子四字。肘足作踵。肘高本無賢下其

字

秦宣太后愛魏醜夫。太后病將死，出令曰：「為我葬，必以魏子為殉。」魏子患之。以久從葬曰殉。庸芮為魏子說太后曰：「以死者為有知乎？太后曰：「無知也。」曰：「若太后之神靈，明知死者之無知矣。何為空以生所愛葬於無知之死人哉？若死者有知，先王積怒之日久矣。太后救過不贍，何暇乃私魏醜夫乎？」太后曰：「善。」乃止。為魏之為于偽。

考異

反說始銳反。○穆文熙曰：死之無知，婦人何足以知之？太后雖強言無知，而實畏其有知也。

秦攻韓圍涇。涇，韓邑。范雎謂秦昭王曰：「有攻久者，有攻

地者。攻人謂以人為言而攻。攻地謂欲得地而攻。穰侯十攻魏而不得傷

者，非秦弱而魏強也。其所攻者地也。再攻魏欲得其地也。地者

人主所甚愛也。人主者，人臣之所樂為死也。攻人主

之所愛，與樂死者鬪，故十攻而弗能勝也。樂音洽為于偽反。

樂死謂下以為君死為樂也。今王將攻韓圍涇，臣願王之毋獨攻其

地而攻其人也。將攻韓故圍涇也。王攻韓圍涇，以張儀為言。

鮑彪曰：儀死至雅之相，四十四年矣。儀亦未嘗在韓，此必誤。田汝成曰：此或別一張儀，未知孰是。儀用事於韓，故圍涇以儀為辭，所謂攻其人也。張儀之力多，且削地而以自贖

於王，幾割地而韓不盡。力多謂得志也。言儀得志於韓，則削其地以與秦，以自贖其罪，幾讀如豈。張儀之力少，則王逐張儀而愛與不如張儀

戰國策正解 卷三十一 後

者市則王之所求於韓者盡可得也。盡津忍反。○力言下不得志則不能割地因責而逐之。更與韓以不及儀者而求地也。

考異 得一本作能坊本弗下無能字削作割如下無張字

應侯曰鄭人謂王未理者璞周人謂鼠未腊者璞周

人懷璞過鄭賈曰欲買璞乎鄭賈曰欲之出其璞視

之乃鼠也因謝不取。應於陵反過音戈賈音古下同。○璞璞同音因誤聞也。今

平原君自以賢顯名於天下然降其主父沙丘而臣

之。按史記趙公子成號安平君與李兌俱圍主父此平原或安平訛降貶損之也。天下之王

尚猶尊之是天下之王不知鄭賈之智眩於名不知

其實也。穆文熙曰大抵人之徒有名而無實者皆朴類也然物之朴易辨而入之朴難識矣。

考異 坊本樸作朴無視之二字

天下之士合從相聚於趙而欲攻秦。從如秦相應侯

曰王勿憂也請令廢之秦於天下之士非有怨也相

聚而攻秦者以已欲富貴耳王見大王之狗卧者卧

起者起行者行止者止毋相與鬪者投之一骨輕起

相身者何則有爭意也。秦相之相息亮反應於陵反輕牽政反。○輕猶忽也身言

相與飲。予音與下皆同。○武謂邯鄲人誰來取者於安地名高會大會也。

是其謀者固未可得乎也其可得乎者與之昆弟矣。

謂應侯謂唐睢也邯鄲趙國都也言邯鄲之人誰來取金者於來取時其謀攻秦者固未可得盡予金也。

其可得乎者則與之公與秦計功者不問金之所之

金盡者功多矣今令人復載五十金隨公復扶又反

唯也與讀如為言唯為秦計功者則不問金之所出

入其可得乎者多而金盡則唯之功多矣恐或金不

足故復子唐睢行至武安散不能三十金天下之士

大相與鬪矣能猶足也言散金不足三十士

謂應侯曰君禽馬服君乎曰然又即圍邯鄲乎曰然

應於陵反○按史記諱趙使蘇代說也曰君之間有

武安二字又下有曰字此恐脫落武安君秦將白起

將趙括也趙亡秦王王矣武安君為三公武安君

所以為秦戰勝攻取者七十餘城南亡鄢郢漢中禽

馬服之軍不亡一甲雖周邵呂望之功亦不過此矣

趙亡秦王王武安君為三公君能為之下乎雖欲無

為之下固不得之矣王王下並于況反為秦之為于

此恐秦嘗攻韓邢丘困於上黨上黨之民皆返為趙

上黨不降秦而入趙天下之民不樂為秦民之日固

久矣今攻趙北地入燕東地入齊南地入楚魏則秦

所得無幾何故不如因而割之因以為武安功樂音

關君長曰史攻作亡按上文趙亡兩見史似長史上

文曰韓趙恐下文曰請許韓趙之割地以和此言因

趙恐請和而割中取其地史因作無言趙割地約和

則白起無亡趙以為功也此句欠通得史明暢

考異 坊本然下有曰字諸本周下無邵字今從錢

劉本諸本刑下無丘字今從一本劉本無邢

後彭劉

丘二字、無幾之無、諸本作不能二字、今從一本、

應侯失韓之汝南。應於陵反、下同、○應侯嘗取之、而今失之。秦昭王謂應侯曰。君亾國其憂乎。應侯曰。臣不憂。王曰。何也。曰。梁人有東門吳者。其子死而不憂。其相室曰。公之愛子也。天下無有。今子死而不憂。何也。東門吳曰。吾嘗無子。無子之時不憂。今子死。乃即與無子時同也。臣奚憂焉。相息亮反、○相室、家臣之長、猶諸侯相國也、按韓子相室皆指執政大臣、即相國也、蓋三晉以大夫為諸侯、猶襲故號、而稱相室耳、臣奚之、臣列子作巨林希逸曰、巨詎同、此作臣誤也、臣亦嘗為子。為子時不憂。今亾汝南。乃即與為梁餘子同也。臣何為憂。兩為子、疑並當作為梁餘子、蓋脫文、餘子、支庶也、言為餘子時、無地而不憂、秦

王以為不然。以告蒙傲曰。今也寡人一城圍。食不甘味。卧不復席。今應侯亾地而言不憂。此其情也。蒙傲曰。臣請得其情。便安也、情情實也、蒙傲乃往見應侯曰。傲欲死。應侯曰。何謂也。曰。秦王師君。天下莫不聞。而况於秦國乎。今傲勢得為秦王為將。將兵臣以韓之細也。顯逆誅奪君地。傲尚奚生。不若死。為秦之為于偽反、將子匠反、○關君長曰。勢恐幸字訛。愚謂為將二字恐衍。臣恐而字訛。細謂小國。逆猶犯也。言韓以小國。顯逆犯誅。責奪汝南。是輕秦所師尊。而侮傲無將才也。應侯拜蒙傲曰。願委之卿。關君長曰。傲謂必死以取汝南。而唯之言如是。傲因其情也。蒙傲以報於昭王。自是之後。應侯每言韓事者。秦王不聽也。以其為汝南虜也。猶以

以為也。開君長曰。虜恐慮字訛。蓋言王以為。唯為中。已。汝南之憂慮也。每唯言。伐韓。而王不聽。為之而已。

考異

一本君下下有汝南二字。坊本公之作。公子。高本下即與作與。即。劉本無。即為二字。一本。

上情下有何字。坊本乃往上無蒙傲二字。高本為秦作秦為錢及一本無虜字。

昭王既息民繕兵。復欲伐趙。武安君曰。不可。王曰。前

年國虛民飢。君不量百姓之力。求益軍糧以滅趙。今

寡人息民以養士。蓄積糧食。三軍之俸。有倍於前。而

曰不可。其說何也。復扶又反。下皆同。○俸。秩祿也。武安君曰。長平之

事。秦軍大克。趙軍大破。秦人歡喜。趙人畏懼。事役也。秦

民之死者厚葬。傷者厚養。勞者相饗。飲食舖餽。以靡

其財。靡。亡池反。○以。食食之。曰舖。以。食饋之。曰餽。言。勞苦戰陣者。相饗以慶。不死傷也。靡。散也。厚葬。

厚養相饗。以靡散其財也。此言秦民歡喜而奢侈。趙人之死者不得收。傷者不得療。涕泣相哀。勦力同憂。耕田疾作。以生其財。此言此

趙民畏懼而懲也。今王發軍雖倍其前。臣料趙國守備亦以

十倍矣。趙自長平已來。君臣憂懼。早朝晏退。卑辭重

幣。四面出嫁。結親燕魏。連好齊楚。積慮并心。備秦為

務。其國內實。其交外成。當今之時。趙未可伐也。朝直

好呼報反。并併同。下同。○關君長曰。嫁往也。列于天

瑞篇曰。將嫁于衛。此言使者出往四方諸侯也。外成。

言下外與諸侯交成也。王曰。寡人既以興師矣。乃使五校大夫王

陵將而伐趙。陵戰失利。亡五校。將于匠反。下除將加。

言亡其營校之部也。王欲使武安君。武安君稱疾不行。王乃使

伐國策正解


後周隱帝

應侯往見武安君責之曰。楚地方五千里。持戟百萬。君前率數萬之眾入楚。拔鄢郢。焚其廟。東至竟陵。楚人震恐。東徙而不敢西向。韓魏相率興兵甚眾。君所將之卒不能半之。而與之戰於伊闕。大破二國之軍。流血漂鹵。斬首二十四萬。韓魏以故至今稱東藩。此君之功。天下莫不聞。應於陵反。下同。數色主反。下數倍同。恐丘勇反。下恐懼同。藩音

蕃。○鹵。槽同。大盾也。今趙卒之死於長平者已十七八。其國虛弱。是以寡人大發軍人。數倍於趙國之眾。願使君將。必欲滅之矣。君嘗以寡擊眾。取勝如神。况以強擊弱。以眾擊寡乎。十七八言十分也。死其七八分也。武安君曰。是時楚王恃

其國大。不恤其政。而羣臣相妬以功。諛諂用事。良臣斥疎。百姓心離。城池不修。既無良臣。又無守備。故起所以得引兵深入。多倍城邑。發梁焚舟。以專民心。掠於郊野。以足軍食。當此之時。秦之士卒。以軍中為家。將師為父母。不約而親。不謀而信。一心同力。死不旋踵。楚人自戰其地。咸顧其家。各有散心。莫有鬪志。是以能有功也。倍背同。帥所類反。○兵深入城邑。在後。故曰倍。發梁焚舟。示不還也。伊闕

之戰。韓孤顧魏。不欲先用其眾。魏恃韓之銳。欲推以為鋒。二軍爭優。之力不同。是以臣得設疑兵。以持韓陣。專軍并銳。觸魏之不意。魏軍既敗。韓軍自潰。乘勝



逐北以是之故能立功。北音佩，又如字。○孤勢孤也，鋒軍之先也。之力猶其力也。

上章之幣帛，可以證矣。皆計利形勢自然之理。何神

之有哉。言伐楚韓魏而能立功者，皆計三國形勢而利之也。今秦破趙軍於長

平。不遂以時乘其振懼而滅之。畏而釋之。使得耕稼

以益蓄積。養孤長幼。以益其衆。繕治兵甲。以益其強。

增城浚池。以益其固。主折節以下其臣。臣推體以下

死士。至於平原君之屬。皆令妻妾補縫於行伍之間。

臣人一心。上下同力。猶句踐困於會稽之時也。長丁丈反。

以下遐嫁反，下弗下同，令力呈反，行戶剛反，句古侯反，會古外反，稽音雞。○折節，屈君臣之節也，言屈尊

以下久也，推推讓也，言卑體以下久也，關君長曰，以卒伍有關，令妻妾補縫其間，若所謂彌縫其闕。

今伐之。趙必固守。挑其軍戰。必不肯出。圍其國都。必

不可克。攻其列城。必未可拔。掠其郊野。必無所得。兵

出無功。諸侯生心。外救必至。臣見其害。未睹其利。又

病未能行。挑徒了反。○擿燒敵求戰。曰挑，生心，生輕秦之心也。應侯慙而退。以

言於王。王曰。微白起。吾不能滅趙乎。復益發軍。更使

王齮代王陵伐趙。圍邯鄲。八九月。死傷者衆。而弗下。

趙王出輕銳以寇。其後秦數不利。數色角反。○關君長曰。趙出攻秦。內

秦故趙為寇。圍邯鄲。後數攻之而不失利。武安君曰。不聽臣計。今果如何。

王聞之怒。因見武安君強起之曰。君雖病。強為寡人

卧而將之。有功寡人之願。將加重於君。如君不行。寡

人恨君。強並其良反，為于偽反，下為一為天同。○重，謂重賞也。武安君頓首曰：

臣知行雖無功，得免於罪。雖不行無罪，不免於誅。然

惟願大王覽臣愚計，釋趙養民，以觀諸侯之變。雖不行無

罪，當作不行，雖無罪，開君長曰，覽猶聽也。釋舍也，舍趙不攻，以養息秦民。撫其恐懼，伐

其驕慢，誅滅無道，以令諸侯。天下可定，何必以趙為

先乎。此所謂為一臣屈而勝天下也。大王若不察臣

愚計，必欲快心於趙，以致臣罪。此亦所謂勝一臣而

為天下屈者也。夫勝一臣之嚴焉，孰若勝天下之威

大耶。夫音扶，邪音耶。○高誘曰：言不能為起屈，欲以勝為嚴，則不若屈於起之言，而以勝天下為威

大臣聞明主愛其國，忠臣愛其名。破國不可復完，死

卒不可復生。臣寧伏受重誅而死，不忍為辱軍之將。

願大王察之。王不答而去。不忍為辱軍之將，所謂愛

蓋應侯既許趙和，以阻撓武安，而又勸秦王強起武安，以重其罪，而杜郵之禍始成矣。雖真殺起哉。

考異坊本糧並作糧，食作實，勳作戮，晏退作晏罷，高本無將之下卒字，之戰作戰之，纂流血作

血流，坊本以故下無至今二字，嘗作常，民心作民，以纂二軍作二國，坊本原下無君字，諸本諸侯上

無觀字，今從纂。

秦攻邯鄲，十七月不下。下退嫁反。○蓋時王稽為將。莊謂王稽曰：

君何不賜軍吏乎。王稽曰：吾與王也不用人言。莊人

許也，蓋王命勿用人言，而稽許之也。莊曰：不然，父之於子也，令有必行

者，必不行者。曰：去貴妻，賣愛妾，此令必行者也。因曰：

母敢思也。此令必不行者也。去起呂反，下同。○既去

令必不行者也。守閭姬曰：某夕某孺子內某士。內納通。○閭

婦也。高誘齊策注曰：孺子，幼艾美女也。內，謂私之也。

士者，未取妻之稱。戰國纂標注云：此處有缺文，某士

以下，似有此言。有必行也。一曰：貴妻已去，愛妾已賣，而心不有欲教

之者，人心固有。雖已去賣之，而本無是心，故不能不

人告我之心，人皆固有。今君雖幸於王，不過父子之親

軍吏雖賤，不卑於守閭姬。言稽於王命，不必行，且君

擅主輕下之日久矣。聞三人成虎，十人揉椎，眾口所

移，毋翼而飛。故曰：不如賜軍吏而禮之。三人言市有

見魏策，揉，屈伸之也。言眾怨可恐。王稽不聽。軍吏窮，果惡王稽杜摯

以反。言惡毀二人以謀反也。秦王大怒，而欲兼誅范雎。

秦法任人，所任不善者，各以其罪罪之。雎任稽為河東守，故欲兼誅之也。范雎曰：臣東鄙

之賤人也，聞罪於魏，遁逃來奔。臣無諸侯之援，親習

之故，王舉臣於羈旅之中，使職事，天下皆聞臣之身

與王之舉也。援于眷反。○魏在秦東，故今愚惑與罪

人同心，而王明誅之，是王過舉顯於天下，而為諸侯

所議也。罪人指王稽也。議，誹議也。臣願請藥賜死，而恩以相葬。臣

王必不失臣之罪，而無過舉之名。王曰：有之。遂弗殺

而善遇之。相息亮反。○有

考異：坊本，姬曰下有日字，某士作謀士，高本某夕

作其夕，孺作孺，坊本十人作十夫，一本職作

後周圖

執一本
作取

秦攻趙。蘇子為謂秦王曰。臣聞明王之於其民也。博
 論而技藝之。是故官無乏事。而力不困。於其言也多
 聽而時用之。是故事無敗業。而惡不章。為于偽及。○
博論而技藝之。言博論撰其才。而各從技藝而用之。力不困。功力不窮也。多聽而時用之。言多聽受其言。而以時施中用之。惡不章。過惡不顯也。臣願王察臣之所謁。而効之於一
 時之用也。即所謂多聽也。臣聞懷重寶者。不以夜行。任
 大功者。不以輕敵。是以賢者任重而行恭。智者功大
 而辭順。故民不惡其尊。而世不妬其業。行下孟反。惡為路反。○辭
順。謂其言遜順也。臣聞之。百倍之國者。民不樂後也。功業高

世者。人主不再行也。力盡之民。仁者不用也。求得而
 反靜。聖主之制也。功大而息。民用兵之道也。樂音洛。後恐復訛。言地既廣矣。民不樂復有事也。不再行。言一舉而止也。今用兵終身不休。力
 盡不罷。怒趙必於其己邑。趙僅存哉。然而四輪之國
 也。今雖得邯鄲。非國之長利也。力盡。謂民力盡也。必期必也。四輪。謂通達四方也。邯鄲。趙都也。得邯鄲。謂得其國也。言今秦怒趙。不服。期於其為己鄙邑。則趙所存無幾何矣。然而趙通達四方之國也。今雖得其國。兵頓力盡。四方來伐。非秦國長久之利也。意者地廣而
 不耕。民羸而不休。又嚴之以刑罰。則雖從而不止矣。
言四方來伐。則地廣而不得耕。民羸而不得休。又新民未服。嚴之以刑罰。則一旦雖畏服。而卒離散矣。此所以非國之長利也。語曰。戰勝而國危者。物不斷也。功大而權

戰國策上解 卷三下 後影圖藏

輕者地不入也。物事也。斷猶止也。地不入。謂地不為己有也。言戰勝國宜安而危者。以戰

事不止也。上文民贏而不休。是也。功大。權宜重而故

過任之事。父不得於子。無己之求。君不得於臣。戰勝

不。休。過任之事也。功大。而猶求功。無己之求也。故識乎微之為著者強。察乎

息民之為用者霸。明乎輕之為重者王。王于況反。○言知微不止

至著。而不忽者。可強國。察下休息民。當事可用。而不盡其力者。可霸。明輕積至重。而能慎者。可王。此言秦王

宜中不忽輕微。早案兵秦王曰。寡人案兵息民。則天下

必為從。將以逆秦。從子容反。下為從。從一識從同。○從合從也。蘇子曰。臣

有以知天下之不能為從以逆秦也。臣以田單如耳

為大過也。豈獨田單如耳為大過哉。天下之主亦盡

過矣。盡津忍反。○吳師道曰。夫慮收亡齊罷楚敵魏

與不可知之趙。欲以窮秦折韓。臣以為至愚也。夫音

音疲。下皆同。○關君長曰。慮字恐因下文誤行。亡齊謂有亡形也。趙為秦所攻。故謂存亡不可知也。許應

元曰。是時韓秦方睦。故以秦韓並說。夫齊威宣者。世之賢主也。德博而

地廣。國富而民用。將武而兵強。宣王用之。後破韓威

魏。以南伐楚。西攻秦。為齊兵困於殺塞之上十年。攘

地。秦人遠迹不服。而齊為虛戾。將子匠反。下皆同。塞先代反。虛音墟。○關

君長曰。十年屬上。攘地恐衍。年下承以秦人。文理自順。愚謂遠迹。畏而避也。服疑當作報。戾疑當作矣。皆

字之誤也。或曰。戾厲通。居宅無久曰虛。死而無後為厲。鮑彪曰。此樂毅入臨淄之役也。秦與五國共敗齊。

夫齊兵之所以破。韓魏之所以僅存者。何也是則伐

楚攻秦而後受其殃也。言齊破韓魏宜強而反遭破

攻伐秦楚而後受其殃故也今富非有齊威宣之餘也精兵非有

富韓勁魏之庫也而將非有田單司馬之慮也收破

齊罷楚敝魏不可知之趙欲以窮秦折韓臣以為至

誤臣以為從一不可成也。田單疑當作田文司馬穰

能為從窮秦况以今欲為之可謂至誤又知從

之一不可成也從一不可成也一句結上起下客有

難者今臣有患於世夫刑名之家皆曰白馬非馬也

己如白馬實馬乃使有白馬之為也此臣之所患也

此四十二字疑他章錯簡昔者秦人下兵攻懷服其人三國從之

趙奢鮑佞將楚有四人起而從之臨懷而不救秦人

去而不從。懷蓋魏地三國齊楚趙也從之謂將追擊

救懷追秦而卒不果不識三國之憎秦而愛懷耶。亡其猶亡

愛秦耶。夫攻而不救去而不從是以三國之兵困而

趙奢鮑佞之罷也故裂地以敗於齊。亡音無敗必邁

乃也罷驚也言不救不從者以兵困將驚秦不田單

可當也非有愛憎也故諸侯裂地賂秦以敗齊將齊之良以兵橫行於中十四年終身不敢設兵以

攻秦折韓也而馳於封內。馳於封內即不識從之一

成惡存也。惡音烏○結上文兩於是秦王解兵不出

於境諸侯休天下安二十九年不相攻。解兵謂解攻

十九年不相攻此辨士

增飾之辭不必深辨也

考異

坊本蘇子下無為字聖主之主作王下賢主同高本怒趙作趙怒坊本輪作輪高本無識乎二字纂識作知高本民用作用民坊本攻秦下更有秦字塞作函高本無為從一之為字坊本今臣作今人一本倭作接坊本是以下有知字諸本罷也之罷作能今從一本

張儀說秦王曰臣聞之弗知而言為不智知而不言

為不忠為人臣不忠當死言不審亦當死雖然臣願

悉言所聞大王裁其罪說始銳反○吳師道曰張儀當作韓非按韓子第一篇初

見秦文與此同吳說是也言不審即不智也裁制也言察其言當否以裁制其有罪無罪臣聞天

下陰燕陽魏連荆固齊收餘韓成從將西南以與秦

為難臣竊笑之從子容反下皆同難乃旦反下為難同○天下總稱山東也陰北陽南也

趙立言韓最親秦乃從家所擯故曰收且韓非回護

詞耳愚謂荆楚也避莊襄王諱固固結也韓時弱多喪地故曰餘韓西南西面之訛韓子可以證矣世

有三亾而天下得之其此之謂乎關君長曰蓋古語之比六國有三亾

之道而秦得天下也引此結上文故曰其此之謂乎臣聞之曰以亂攻治者亾

以邪攻正者亾以逆攻順者亾治直吏反下不治同○所謂三亾也今

天下之府庫不盈困倉空虛悉其士民張軍數千百

萬白刃在前斧質在後而皆去走不能死罪也其上

不能殺也其百姓不能死也言賞則不與言罰則不

行賞罰不行故民不死也數色主反下皆同質鑽同○藏貨財曰府庫藏穀粟

曰困倉困圓倉方也張軍謂張設軍陣也管子張軍

而不能戰白刃在前斧質在後言刑器在前後誅不

進戰者上也韓子去走作却走下行字作信此

恐誤上不能殺下不能死以賞罰不信故也今秦出

號令而行賞罰。有功無功相事也。出其父母懷衽之

中。生未嘗見寇也。聞戰頓足徒跣。犯白刃。蹈煨炭。斷

死於前者。比是也。斷丁亂反。下斷死。斷生同。○物茂

戰鬪。蓋言賞罰明之效也。愚謂衽衣衿也。頓踴也。徒

空手也。跣袒也。韓策秦人損甲徒程以趨敵。熱灰謂

之。煨。炭火也。斷死。以死自斷也。前謂

未戰以前也。比並也。比是猶言皆然也。夫斷死與斷

生也。不同。而民為之者。是貴奮也。一可以合十。十可

以合百。百可以合千。千可以合萬。萬可以勝天下矣。

夫音扶。下皆同。○合與敵合戰也。今秦地形。斷長

秦以下至此。言秦賞罰信之效也。續短。方數千里。名師數百萬。秦之號令賞罰。地形利

害。天下莫如也。以此與天下。天下不足兼而有也。是

知秦戰未嘗不勝。攻未嘗不取。所當未嘗不破也。開

地數千里。此甚大功也。斷音短。○與天下言與天下

軍有名。如岳家軍類。故曰名師。師軍旅也。愚謂韓子知作故甚作其此恐誤。然而甲兵頓。

士民病。蓄積索。田疇荒。困倉虛。四鄰諸侯不服。霸王

之名不成。此無異故。謀臣皆不盡其忠也。積子賜反。下同。索所

白反。下同。王于况反。下霸王同。盡津忍反。下同。○頓

壤也。索盡也。穀田曰田。麻田曰疇。無異故。猶言無他

事也。臣敢言往昔。昔者齊南破荆。東破宋。西服秦。北破

燕。中使韓魏之君。地廣而兵強。戰勝攻取。詔令天下。

清濟濁河。足以為限。長城鉅防。足以為塞。齊五戰之

國也。一戰不勝而無齊。故由此觀之。夫戰者。萬乘之

存亾也。濟子禮反，塞先代反，乘繩證反。○使役使也，詔告也，五戰之國，猶言五戰勝之國也，即南

破東破之類是也，一戰不勝，謂燕昭王入臨淄之役也。且臣聞之曰：削株掘根

無與禍鄰，禍乃不存。開君長曰：株在土上，故曰削；根在土中，故曰掘。謂使無萌孽之

也。秦與荆人戰，大破荆，襲郢，取洞庭五都，江南荆王

亾，奔走，東伏於陳，當是之時，隨荆以兵，則荆可舉，舉

荆，則其民足貪也，地足利也，東以強齊燕，中陵三晉，

然則是一舉而霸王之名可成也，四鄰諸侯可朝也。

朝直遙反，下同。○郢，楚都也，韓子五都作五湖，按都渚，豬古字通用，五都即五湖也，伏，竄伏也，舉如舉物

然，言易也，貪猶欲也，強當從韓子作弱，此下文亦作弱，下同，一舉猶一行也。而謀臣不為

引軍而退，與荆人和，令荆人收亾國，聚散民，立社主。

置宗廟，令帥天下西面，以與秦為難，此固已無霸王

之道一矣。此令荆之令力呈反，下令魏同，○不為不為

宗廟號令所出，故曰宗廟令，此言秦與削株掘根相反，一失霸王之道。天下有比志而

軍華下，大王以詐破之，兵至梁都，圍梁數旬，則梁可

拔，拔梁，則魏可舉。有音又，韓子作又，比毗志反，下同，華胡化反，○華下，華山之下也，詐

疑計訛，下同，物茂卿曰：此言出於王獨斷，以見謀臣不盡忠，鮑彪曰：梁以都言，魏全國也。舉魏，則

荆趙之志絕，荆趙之志絕，則趙危，趙危而荆孤，東以

強齊燕，中陵三晉，然則是一舉而霸王之名可成也。

四鄰諸侯可朝也。鮑彪曰：魏居二國之中，而為與國，故舉魏，則二國不通，趙尤近秦，故

危。而謀臣不為引軍而退，與魏氏和，令魏氏收亾國。

聚散民立社主置宗廟此固已無霸王之道二矣子韓

宗廟下有令字此恐脫前者穰侯之治秦也用一國

之兵而欲以成兩國之功是故兵終身暴露於外士

民潞病於內霸王之名不成此固已無霸王之道三

矣暴步木反○鮑彪曰兩國秦及穰侯所封也如取

剛壽以廣陶之類愚謂潞露通贏也呂子士民罷

潞是也此言三趙氏中央之國也雜民之所居也其

民輕而難用也號令不治賞罰不信地形不復上非

能盡其民力彼固亾國之形也而不憂民氓悉其士

民軍於長平之下以爭韓之上黨輕率政反○趙都

西魏之北韓之東故曰中央兼四國之人故曰雜無

險固故曰不復民土著之民氓流亾之民爭上黨馮

亭事見趙大王以詐破之拔武安當是時趙氏上下

不相親也貴賤不相信也然則是邯鄲不守拔邯鄲

完河間引軍而去西攻修武踰羊腸降代上黨代三

十六縣上黨十七縣不用一領甲不苦一民皆秦之

有也降戶江反下同○上下謂君臣貴賤謂卿士完

當從韓子作筦蓋字之誤也筦管同猶包也

代上黨不戰而已為秦矣東陽河外不戰而已反為

齊矣中呼沱以北不戰而已為燕矣蓋東陽河外本

之今復齊取之故曰反是然則是趙舉趙舉則韓必

亾韓亾則荆魏不能獨立荆魏不能獨立則是一舉

而壞韓蠹魏挾荆以東弱齊燕決白馬之口以流魏

氏一舉而三晉亡。從者敗。大王拱手以須。天下編隨

而伏。霸王之名可成也。而謀臣不為。引軍而退。與趙

氏為和。壞音怪。○關君長曰。蠹若蠶食。魏無救援。故

白馬津名也。須待也。以繩次物。曰編。編隨。言眾隨而降伏也。以大王之明。秦兵之

強。霸王之業。地尊不可得。乃取欺於亡國。是謀臣之

拙也。韓子霸上有弃字。此恐脫落。韓子尊作且夫趙

當亡不亡。秦當霸不霸。天下固量秦之謀臣一矣。天

一量知謀臣之拙。乃復悉卒以攻邯鄲。不能拔也。棄甲兵怒。

戰慄而却。天下固量秦力二矣。復扶又反。○韓子兵

弩。字音之誤也。天下軍乃引退。并於李下。大王又并

力三矣。并併同。○李下。邑名。厚猶大也。交罷却。謂秦

軍而致與戰。非能厚勝之也。又交罷却。天下固量秦

內者量吾謀臣。外者極吾兵力。由是觀之。臣以天下

之從。豈其難矣。極。謂度其力之所至。以猶以為內者

吾甲兵頓。士民病。蓄積索。田疇荒。困倉虛。外者天下

比志甚固。願大王有以慮之也。言內罷病空虛。外合

也。且臣聞之。戰戰慄慄。日慎一日。苟慎其道。天下可

有也。何以知其然也。昔者紂為天子。帥天下將百萬。

左飲於淇谷。右飲於洹水。淇水竭而洹水不流。以與

周武為難。武王將素甲三千領。戰一日。破紂之國。禽

紂。國策正解 卷二十一 後周圖

其身據其地而有其民天下莫不傷將子匠反飲於

百萬之衆飲馬故水竭而不流也編之麤者曰素質

略之義素甲蓋言不堅也吳語素甲丹甲以色言恐

與此義異莫不傷智伯帥三國之衆以攻趙襄主於

晉陽決水灌之三年城且拔矣襄主錯龜數策占兆

以視利害何國可降而使張孟談於是潛行而出反

智伯之約得兩國之衆以攻智伯之國禽其身以成

襄主之功使所吏反○三國晉韓魏也禮大夫稱主

錯當從韓子作鑽字之誤也鑽亦作鑿飾

耶篇鑿龜數策字異義同龜卜之法先鑽而後灼之

策著也灼龜折處曰兆張孟談趙之謀臣也反智伯

之約謂反智伯與韓魏之約兩國韓今秦地絕長續

短方數千里名師數百萬秦國號令賞罰地形利害

天下莫如也以此與天下天下可兼而有也臣昧死

望見大王言所以舉破天下之從舉趙亡韓臣荆魏

親齊燕以成霸王之名朝四鄰諸侯之道昧死謂膝

罪以舉之舉據下文當作一舉而三字蓋脫文也鮑

彪曰齊燕去秦遠未可加兵故親之以寬兵力其後

秦滅諸國二國獨大王試聽其說一舉而天下之從

不破趙不舉韓不亡荆魏不臣齊燕不親霸王之名

不成四鄰諸侯不朝大王斬臣以徇於國以主為謀

不忠者徇行以示人也吳師道曰韓子作以為為王

謀不忠者愚謂韓子可從但今本無一為字

考異韓子審作當無餘字無以逆攻順者亡六字

其預首戴羽為將軍斷死於前不至千人皆以言

死二十字坊本去走作去之罪作非一本罪下有

也字今從之坊本無其上不能殺也六字韓子作
非其士民不能死也上不能故也錢劉本無其百
姓不能死也七字有功無功高本作不攻無攻坊
本作不攻耳無相攻事曾本與韓子同今從之韓
子冠下也作耳煨作鑪比坊本作比比韓子作皆
主也之也韓子作者貴奮下有死字合皆作對一
本作勝韓子勝作剋下同斷作折續作補下同數
百間有十字下同破下無也字異故下有其字臣
敢言云云昔者作臣敢言之往者高本東破作中
破韓子無之君二字地上有土字濟上有齊之二
字高本坊本皆作濟清河濁一本與韓子同今從
之高本坊本作坊韓子無齊河濁一本與韓子同
削株掘根作削迹無遺根坊本下無故字且下無臣字
作荆王君臣臣走伏作服當是之時作當此時也
下同舉荆作荆可舉中下有以字陵作凌下同退
下有復字人和間有為字高本令作今韓子人收
間有得字帥作率下同己無作以失下同有比作
又比詐作詔下同梁都作梁郭下志絕作意絕孤
下有疑字氏和間有為字氏收間有反字坊本聚
作取韓子潞作疲上非作下不岷作萌然則下無

是字完下有山東二字踰羊腸降上黨作踰華絳
上黨三十六作四十六十七作七十一一民間有士
字皆秦上有此字下無之字有也下有以字而已
皆作而畢曾本為秦上有反字韓子中呼間有山
字高本坊本趙舉作舉趙下無舉趙二字一本與
韓子同今從之韓子無韓必之必字坊本無一荆
魏不能獨立六字韓子挾作拔以東作東以弱齊
燕作弱齊強燕流作沃氏一間有是字敗下有也
字拱手作垂拱須下有之字諸本編作徧韓子同
今從一本韓子伏作服下有矣字成下無也字退
與間有復字以大有夫字當下無之字坊本當霸
下同固量間有以字高本量秦下無之字坊本無
悉卒之卒字韓子作士卒慄作鍊固量間有已字
錢本秦力間有之字下同韓子引下有而字致作
至非能厚勝之作不能尅之一本勝之下有道字
又交罷却韓子作又不能反運罷而去豈其難作
幾不能下比間有皆字可有下無也字帥天下將
百萬作將率天下甲兵百萬谷作溪水作谿武下
有王字無領字一日作一夜下有而字劉本無莫
不之字韓子同韓子決水下有而字三年作三

月、數策作筮一字而使作乃使下有其臣二字於是下有乃字無之國二字坊本襄主作襄子韓子作成襄主之初無以此之以字味死下有願字所以下無舉字試作誠徇國間有於字

蔡澤見逐於趙而入韓魏遇奪金兩於涂遇見也為

高、鼎聞應侯任鄭安平王稽皆負重罪應侯內慙應

陵及下同任音士○保任二人以乃西入秦將見昭

王使人宣言以感怒應侯曰燕客蔡澤天下駿雄弘

辯之士也彼一見秦王秦王必相之而奪君位應侯

聞之使人召蔡澤蔡澤入則揖應侯應侯固不快及

見之又倨相息亮反下同○應侯因讓之曰子嘗宣

言代我相秦豈有此乎對曰然也讓責應侯曰請聞其

說蔡澤曰吁君何見之晚也夫四時之序成功者去

夫音扶下除夫信庸夫餘皆同○凌約言夫人生手

足堅強耳目聰明聖智豈非士之所願與應侯曰然

與音餘下除與天餘皆同○史蔡澤曰質仁兼義行

道施德於天下天下懷樂敬愛願以為君王豈不辨

智之期與應侯曰然也樂音洛○質猶體蔡澤復曰富

貴顯榮成理萬物萬物各得其所生命壽長終其年

而不夭傷天下繼其統守其業傳之無窮名實純粹

澤流千世稱之而毋絕與天下終豈非道之符而聖

人所謂吉祥善事與應侯曰然也復扶又反下同○理

全美也。史記道下有德字。此澤曰。若秦之商君。楚之

吳起。越之大夫。種其卒亦可願與。子律反。下同。○三

人皆不。應侯知蔡澤之欲困已以說。復曰。何為不可。

史記復下有謬字。此恐脫落。夫公孫鞅事孝公。極身毋二。盡公不

還私。信賞罰。以致治。竭智能。示情素。蒙怨咎。欺舊交。

虜魏公子卬。卒為秦禽。將破敵軍。攘地千里。盡津忍

還音宦。治直吏反。為于偽反。下為王為君為孝為楚

為越為秦使同。將子匠反。○極身猶竭已也。還環通

用。荀子比周以環主。又云。比周還主。注云。還繞也。管

子兼上下以環其私。注云。上則擅君之柄。下則用入

材力。上下之利。皆用繞身。故曰環其私。素慤通誠也。

蒙冒也。欺舊交。必見怨咎。而猶冒為之。虜卬即是也。

事詳于本傳。及呂子無義。篇攘斥也。吳起事悼王。使私不害公。讒不蔽

忠。言不取苟合。行不取苟容。行義不顧毀譽。必欲霸

主強國。不辭禍凶。行不之行。下孟反。大夫種事越王。主離困

辱。悉忠而不解。主雖亾絕。盡能而不離。多功而不矜。

富貴不驕怠。解佳賣反。○離困之離。依下。文當從史記作雖。蓋字之誤。若此三子

者。義之至。忠之節也。故君子殺身以成名。義之所在。

身雖死。無憾悔。何為不可哉。知澤之欲困已以說。而為此言。所謂謬也。蔡

澤曰。主聖臣賢。天下之福也。君明臣忠。國之福也。父

慈子孝。夫信婦貞。家之福也。故比干忠不能存。殷子

胥智不能存。吳申生孝而晉惑亂。是有忠臣孝子。國

家滅亂。何也。無明君賢父以聽之。故天下以其君父

為戮辱。憐其臣子。碩哲夫曰言以下其君父為戮辱忠臣孝子之故天下却憐其臣子

夫待死而後可以立忠成名。是微子不足仁。孔子不

足聖。管仲不足大也。微子去殷孔子去魯管仲不死於公子糾於是應侯

稱善。蔡澤得少閒。因曰。商君吳起大夫種其為人臣

盡忠致力。則可願矣。閔天事文王。周公輔成王也。豈

不亦忠乎。以君臣論之。商君吳起大夫種其可願。孰

與閔天周公哉。應侯曰。商君吳起大夫種不若也。蔡

澤曰。然則君之主慈仁任忠。不欺舊故。孰與秦孝楚

悼越王乎。應侯曰。未知何如也。問音開○少間少空

書之其互訓上章之幣帛之力不同可以見矣慈仁任忠謂慈仁而任忠臣即下文親忠臣是也蔡

澤曰。今主固親忠臣。不過秦孝越王楚悼君之為主

正亂。批患折難。廣地殖穀。富國足家。強主威益海內。

功彰萬里之外。不過商君吳起大夫種。而君之祿位

貴盛。私家之富。過於三子。而身不退。竊為君危之。乃難

旦反○批推轉也折折止也語曰。日中則移。月滿則虧。物盛則衰。

天之常數也。進退盈縮變化。聖人之常道也。史記作與時變

化此恐脫二字昔者齊桓公九合諸侯。一匡天下。至葵丘之

會。有驕矜之色。畔者九國。吳王夫差無敵於天下。輕

諸侯。陵齊晉。遂以殺身亾國。夏育太史啓叱呼駭三

軍。而身死於庸夫。此皆乘至盛。不及道理也。差初佳反夏戶

雅反、呼火故反、○及當作反、史記作返、夫商君為孝公平權衡、正度量、

調輕重、決裂阡陌、教民耕戰、是以兵動而地廣、兵休

而國富、故秦無敵於天下、立威諸侯、功已成矣、遂以

車裂。量音亮、○阡陌、田間道、南北曰阡、東西曰陌、楚地持戟百萬、白起率

數萬之師、以與楚戰、一戰舉鄢郢、再戰燒夷陵、南并

蜀漢、又越韓魏、攻強趙、北坑馬服、誅屠四十餘萬之

衆、流血成川、沸聲若雷、使秦業帝自是之後、趙楚懾

服、不敢攻秦者、白起之勢也、身所服者七十餘城、功

已成矣、賜死於杜郵。數色主反、下同、并併同、下同、○此恐脫落、馬服、趙括也、業帝、謂使秦業帝懾失氣也、吳起為楚悼罷無能廢

無用、損不急之官、塞私門之請、一楚國之俗、南攻揚

越、北并陳蔡、破橫散從、使馳說之士無所開其口、功

已成矣、卒支解。塞先北反、下同、從子容反、說始銳反、

篇注、盧文弨云、起後在楚事悼王、王死、貴人相與射起、起伏尸而死、見史記本傳、此書後貴卒篇亦同、

至戰國秦策、韓非難言問田兩篇、史記蔡澤傳亦同、皆言起支解、此亦可信、既攢射矣、何必不鬻割、大夫

種為越王墾草、初邑、辟地殖穀、率四方之士、專上下

之力、以禽勁吳、成霸功、勾踐終梧而殺之。辟音開、勾

墾、草、墾、開、草、萊、也、初、邑、初、造、邑、居、也、梧、當、作、倍、背、也、史記作負、此四子者、功成而不

去、禍至於此、此所謂信而不能諷、往而不能反者也、

范蠡知之、超然避世、長為陶朱。信音伸、○范蠡去、居陶、易姓朱、君

後影國藏

後影國藏

後影國藏

後影國藏

獨不觀博者乎。或欲大投。或欲分功。此皆君之所明知也。大投謂欲全勝分功謂欲彼我無偏勝今君相秦計不下席謀不

出廊廟坐制諸侯利施三川以實宜陽以決羊腸之險塞太行之口又斬范中行之途棧道千里通於蜀

漢使天下皆畏秦秦之欲得矣君之功極矣此亦秦之分功之時也。施音移行並戶剛反○按史記衛綰傳劍人之所施易如淳曰施讀曰移

此施與之同蓋言移三川財貨以實宜陽也斬絕也此言斷三晉之路棧棚也施於險絕以濟不通也關

君長曰唯之功極矣秦王欲入亦有其功若博者欲分功也公吳起大夫種是也君何不以此時歸相印讓賢者授之必有伯夷之廉長為應侯世世稱孤而有喬松

之壽孰與以禍終哉此則君何居焉應侯曰善乃延入坐為上客。喬王子晉松赤松子也後數日入朝言於秦昭王

曰客新有從山東來者蔡澤其人辨士臣之見久甚眾莫有及者臣不如也秦昭王召見與語大說之拜

為客卿應侯因謝病請歸相印昭王強起應侯應侯遂稱篤因免相。朝直遙反說音悅下同○篤猶甚也昭王新說蔡

澤計畫遂拜為秦相東收周室蔡澤相秦王數月人或惡之懼誅乃謝病歸相印號為剛成君居秦十餘

年事昭王孝文王莊襄王卒事始皇帝為秦使於燕

三年而燕使太子丹入質於秦。秦使之使所吏反質音致

考異

高本嘗作常一本代我上有欲字高本君何作何君纂手足作百體強下有手足便利四字、年上有天字、史同、坊本絕下無與天、下終一句、纂還私下有設刀鋸以禁奸邪七字、史同、高本顧作固、坊本霸王下主離主雖同、身雖死無憾悔、劉本作身雖無成無悔、坊本何為下有而字、錢本干忠下有而字、晉智下同、曾本戮辱下有而字、坊本君臣作聖一字、纂不欺作敦厚、史作惇厚、高本無今主之今字、坊本桓公下無九合諸侯一句、曾本格作敷、史同、坊本不及作不近、壑作懇、培作培、高本功成作成功、坊本諷作屈、欲得下無矣字、如是作如時、一本授之下、有退而巖居川觀六字、史同。

孝文王

凡一章

濮陽人呂不韋質於邯鄲。見秦質子異人。

賈音古、質音致、下同。

楚○異人、子初名。

歸而謂父曰：耕田之利幾倍？曰：十倍。珠玉

之贏幾倍？曰：百倍。立國家之主贏幾倍？曰：無數。曰：今

力田疾作，不得煖衣餘食。今建國立君，澤可以遺世。

願往事之。秦子異人質於趙，處於廝城。

數色主及、衣於既反、遺唯

李反、處昌呂反、吳師道曰、字書無廝字、龍龜手鑑云、音脚、○贏亦利也、無數謂多不可數也、餘食猶飽食也、世後世也、願往事之、此句錯簡、宜在廝城下、事奉也。故往說之曰：子侯有承

國之業，又有母在中。今子無母於中，外託於不可知

之國，一日倍約，身為糞土。

說始銳反、下說秦說王說趙同、倍音佩、下同、○故特

也、子侯、秦太子也、異人、異母兄、不可知、謂多變也、與上秦攻趙章之所言自別、一日猶一旦也、關君長曰、身為糞土、猶言化為糞壤也、言一旦背約、則身必死矣。今子聽吾計，事求歸，可

以有秦國。吾為子使秦必來請子。

為于偽反、○聽許也、計事、即使秦必

來請也。乃說秦王后弟陽泉君曰：君之罪至死，君知之乎？后，孝文后。華陽夫人。君之門下無不居高尊位，太子門下無

貴者。君之府藏珍珠寶玉，君之駿馬盈外廐，美女充後庭。門下屬官。王之春秋高，一日山陵崩，太子用事。

君危於累卵，而不壽於朝生。累力委反。春秋高謂年老也。碣哲夫曰：山陵墳墓處，王崩則發山陵為壙，是山陵崩也。乃諱辭也。關君長曰：禮天子死曰崩，蓋取是義也。後世山陵之稱，胚胎于此，愚謂朝生蟬蟪也。說有可以一切而使君富貴千萬歲。

其寧於太山四維，必無危亾之患矣。切七計反。又如字。○一切謂不問他也。太山，岱宗。四維，四角也。陽泉君避席請聞其說，不韋曰：王年

高矣。王后無子，子傒有承國之業，士倉又輔之。王一

日山陵崩，子傒立。士倉用事，王后之門必生蓬蒿，子

異人賢材也。棄在於趙，無母於內，引領西望而願一

得歸。王后誠請而立之，是子異人無國而有國。王后

無子而有子也。陽泉君曰：然入說王后，王后乃請趙

而歸之。避席敬也。生蓬蒿，無人跡也。按士倉當作土倉，韓子有杜倉，即此人。焦氏筆乘：土即古杜省文。土姓杜伯之後，士殺士會，士變，士當作土。傳論耳。趙未之遣，不韋說趙曰：

子異人秦之寵子也，無母於中。王后欲取而子之，使秦而欲屠趙，不顧一子以留計，是抱空質也。關君長曰：顧，思念也。不，留計，謂決屠趙計，抱持也。不顧質子，如無質也。故云持空。若使子異人歸而得立，趙厚送遣之，是不敢倍德，畔施是自為德講。施始

致反。○開君長曰言異人自以趙為德而講好秦王老矣。一日晏駕雖有子

異人不足以結秦趙乃遣之。高誘曰晏晚也日暮而駕歸太陰也謂死也

韋昭曰凡初崩為晏駕者臣子之心猶謂宮車當駕而出也二說未知孰是。異人至不韋

使楚服而見王后說其狀高其智曰吾楚人也而自

子之乃變其名曰楚。說音悅○鮑彪曰以王后楚人故服楚製以說之王使

子誦子曰少棄指在外嘗無師傅所教學不習於誦

王罷之乃留止。少詩照反○誦誦書也留止止於宮中也問曰陛下嘗軼

車於趙矣趙之豪傑得知名者不少今大王反國皆

西面而望大王無一介之使以存之臣恐其皆有怨

心使邊境早閉晚開王以為然竒其計。之使之使所吏反○問謂

政事之隙應劭曰陛下者升堂之陛下羣臣與至尊言不敢指斥故呼在陛下下者而告之愚謂後世陛下之稱

昉于此軼礙車輪之木也軼車謂止車也蓋孝文王昔嘗質趙不欲言其質故曰軼車一介之使單使也

存勞問也早閉晚開言有警也王后勸立之王乃召相令之曰寡人

子莫若楚立以為太子。相息亮反下同子楚立以不

韋為相號曰文信侯食藍田十二縣王后為華陽太

后諸侯皆致秦邑。華胡化反○致邑為太后養地也

考異 坊本羸作羸歲下無其字說王作謂王曾本止作請

始皇帝 凡五章

文信侯欲攻趙以廣河間使剛成君蔡澤事燕三年

而燕太子質於秦。質音致下同○事燕言使下以燕服從秦為事昭襄王策所謂為秦使

於燕三年而燕使太子丹入質於秦即此事也文信侯因請張唐相燕欲與

燕共伐趙以廣河間之地張唐辭曰燕者必徑於趙

趙人得唐者受百里之地相息亮反下同○史記燕者上之字此恐脫落徑

道也言自秦之燕者必道經於趙也史記云張唐謂文信侯曰臣嘗為秦昭王伐趙趙怨臣曰得唐者與

百里文信侯去而不快關君長曰據下曰自請蓋文信就請張唐也去謂去唐歸

其少庶子甘羅曰君侯不快甚也文信侯曰吾令

剛成君蔡澤事燕三年而燕太子已入質矣今吾自

請張卿相燕而不肯行甘羅曰臣請行之文信侯叱

曰去我自行之而不肯汝安能行之也甘羅曰夫項

橐生七歲而為孔子師今臣生十二歲於茲矣君其

試臣奚以遽言叱也少詩照友令力呈反下同夫音扶○少庶子官名甘羅茂之孫

文信家臣也叱呵也甘羅見張唐曰卿之功孰與武安君唐曰

武安君戰勝攻取不知其數攻城墮邑不知其數臣

之功不如武安君也甘羅曰卿明知功之不如武安

君與曰知之應侯之用秦也孰與文信侯專曰應侯

不如文信侯專曰卿明知為不如文信侯專與曰知

之甘羅曰應侯欲伐趙武安君難之去咸陽七里絞

而殺之今文信侯自請卿相燕而卿不肯行臣不知

卿所死之處矣唐曰請因孺子而行令庫具車廐具

馬府具幣行有日矣墮許規反君與專與之與音餘下秦與燕與同應於陵反難乃

後周圖

且反○去咸陽七里即杜郵也甘羅謂文信侯曰借

臣車五乘請為張唐先報趙乘繩證反為于偽反○高誘曰報白也往為張

唐先說見趙王趙王郊迎謂趙王曰聞燕太子丹之

入秦與曰聞之聞張唐之相燕與曰聞之燕太子入

秦者燕不欺秦也張唐相燕者秦不欺燕也秦燕不

相欺則伐趙危矣燕秦所以不相欺者無異故欲攻

趙而廣河間也今王齊臣五城以廣河間請歸燕太

子與強趙攻弱燕趙王立割五城以廣河間歸燕太

子趙攻燕得上谷三十六縣與秦什一史記下歸燕太子

字此恐脫落什一十分之一也

考異

曾本唐相間有往字坊本唐相燕下無欲與燕共伐趙以廣河間之地十二字諸本曰臣下無請字今從一本諸本曰去作去只今從曾本坊本令庫作今庫趙攻上有與字

秦王欲見頓弱頓弱曰臣之義不參拜王能使臣無

拜則可矣不即不見也秦王許之不即之不與否同○參謁也言於義

不謁拜諸侯也於是頓子曰天下有有其實而無其名者有

無其實而有其名者有無其名又無其實者王知之

乎王曰弗知頓子曰有其實而無其名者商人是也

無把鋤推耨之勞而有積粟之實此有其實而無其

名者也推吐回反積子賜反下同○鋤耨皆芸苗器無其實而有其名者

農夫是也解凍而耕暴背而耨無積粟之實此無其

實而有其名者也。暴步木反。○無其名又無其實者。

王乃是也已。立為萬乘。無孝之名。以千里養。無孝之

實。乘繩證反。○立疑位訛。言王獨兼有尊富。而遷母於雍。孝之名實共無。不如農商也。秦王悖

然而怒。悖勃通也。頓弱曰。山東戰國有六。威不掩於山

東而掩於母。臣竊為大王不取也。為于偽反。○始皇母本呂不韋姬。以

嫪於嫪毒閉之於雍。門宮故曰威掩於母。秦王曰。山東之建國可兼與。與音

餘。○建國謂先王建國也。頓子曰。韓天下之咽喉。魏天下之胸腹。

王資臣萬金而遊。聽之韓魏。入其社稷之臣於秦。即

韓魏從。韓魏從而天下可圖也。資齋通。○聽許也。鮑彪曰。時不通諸國。故

請王聽其往也。愚謂社稷之臣。即下文將相是也。秦王曰。寡人之國貧。恐不

能給也。給供也。頓子曰。天下未嘗無事也。非從即橫也。

橫成則秦帝。從成則楚王。秦帝即以天下恭養楚王。

即王雖有萬金。弗得私也。亦充軍國之用矣。從子容反。楚王

之王于况反。○恭當作供。楚王則秦必見伐。故雖有萬金。王不得私用之。亦以充軍國之用矣。秦王

曰。善。乃資萬金。使東遊韓魏。入其將相。北遊燕趙。而

殺李牧。將子匠反。相息亮反。○李牧。趙將也。齊王入朝。四國畢從。頓子

之說也。朝直遙反。○四國。燕趙韓魏也。是皆要終言之。

考異。高本有無。一有字。勞作勢。坊本建作戰。韓魏從。三字。諸本無。亦充軍國之

用矣。七字。今從一本。坊本齊下無。王字。

或為六國說秦王曰。土廣不足以為安。人眾不足以

為強。若土廣者安。人眾者強。則桀紂之後將存。為六

于偽及下為政郢為同說始銳反下同○桀紂之後不存則廣土眾民不足以為安強可知矣昔者

趙氏亦嘗強矣。曰趙強何若。自設舉左案齊舉右案

魏厭案萬乘之國。二國千乘之宋也。厭於葉反乘繩證反○案抑也

舉手抑言易也張居正曰以厭案萬乘之國二為一句下作困千乘之宋也愚謂張說是矣國二即齊魏也

築剛平。衛無東野。芻牧薪采。莫敢闕東門。當是時

衛危於累卵。累力委反○高誘曰剛平衛地趙築之於東門愚謂芻刈草者牧天下之士相從謀曰吾將

還其委質而朝於邯鄲之君乎。質音贄下同朝直遙反○關君長曰委質

置贄也凡始執謁者委贄而退蓋言士始委質謁於趙王者皆曰吾將復反其贄而去不敢朝趙愚謂天

下惡趙於是天下有稱伐邯鄲者莫不夕令朝行

強故然於是天下有稱伐邯鄲者莫不夕令朝行。天下

惡趙強故夕出魏伐邯鄲。因退為逢澤之遇。乘夏車。

稱夏王。一朝為天子。天下皆從。夏並戶雅反○遇齊

宣王聞之。舉兵伐魏。壤地兩分。國家大危。梁王身抱

質執壁。請為陳侯臣。天下乃釋梁。魏都大梁故稱梁王齊陳敬仲之後

故稱陳侯天下惡魏強今郢威王聞之。寢不寐。食不

飽。帥天下百姓以與申縛。遇於泗水之上。而大敗申

縛。敗必邁反○楚都郢故稱郢威王楚王趙人聞之

至枝桑。燕人聞之。至格道。格道不通。平際絕。燕趙亦

欲來伐之故齊戰敗不勝。謀則不得。使陳毛釋劍。擲

兩道不通也齊戰敗不勝。謀則不得。使陳毛釋劍。擲

於國策上解

卷三十一

後形司

四十二

後形司

委南聽罪。西說趙。北說燕。內喻其百姓。而天下乃釋

齊。敗當作則。擬疑履訛。釋履即徒跣也。釋劍徒跣示

也。說之。於是天下積薄而為厚。聚少而為多。以同言郢

威王於側紂之間。積薄而為厚。聚少而為多。謂惡楚

設也。關君長曰。紂當作陋。書堯典曰。揚側陋。疏云。側

陋者。僻側賤陋之處。此言天下惡威王者。衆多同言

於側陋之間。臣豈以郢威王為政衰謀亂。以至於此

哉。郢為強臨天下諸侯。故天下樂伐之也。樂音洛。豈

謂也。強臨以強臨之也。此章歷言強不可恃。以諷秦攻六國也。

考異

高本宜王作太公。今從坊本。坊本伐魏下無。作齊釋。今從一本。曾。劉無而為之為字。

四國為一。將以攻秦。四國。荆吳燕代也。見下。文。但吳亡久矣。必有謬。秦王召

群臣賓客六十人而問焉。曰。四國為一。將以圖秦。寡

人屈於內。而百姓靡於外。為之奈何。群臣莫對。靡。公

關君長曰。秦受四國之兵。姚賈對曰。賈願出使四

國。必絕其謀。而案其兵。使所吏及下南使。北使同。○案止也。乃資車百

乘。金千斤。衣以其衣冠。舞以其劍。乘繩證反。上。衣於

君長曰。舞猶帶也。論衡謝短篇曰。佩刀於右。舞劍於

左。是也。愚按齊策亦有衣宣王之衣冠。舞其劍之言。

關說是矣。與之以王。姚賈辭行。絕其謀。止其兵。與之

為交。以報秦。秦王大說。賈封千戶。以為上卿。說音韓

非短之。曰。賈以珍珠重寶。南使荆吳。北使燕代之間。

三年四國之交未必合也。而珍珠重寶盡於內。是賈以王之權國之寶。外自交於諸侯。願王察之。且梁監門子嘗盜於梁。臣於趙而逐。取世監門子。梁之大盜。趙之逐臣。與同知社稷之計。非所以厲群臣也。厲勵同父死子繼。曰世言。王召姚賈而問曰。吾聞子以寡人財交於諸侯。有諸。對曰。有。王曰。有何面目復見寡人。對曰。曾參孝其親。天下願以為子。子胥忠於君。天下願以為臣。貞女工巧。天下願以為妃。今賈忠王。而王不知也。賈不歸。四國尚焉之。使賈不忠於君。四國之王尚焉用賈之身。桀聽讒而誅其良將。紂聞讒而殺

其忠臣。至身死國亡。今王聽讒。則無忠臣矣。復扶又反。下同

參所金反。妃音配。焉於虔反。將子匠反。○良將。關龍逢也。忠臣。比干也。王曰。子監門子。

梁之大盜。趙之逐臣。姚賈曰。太公望齊之逐夫。朝歌

之廢屠。子良之逐臣。棘津之讎。不庸。文王用之。而王

王于况反。○逐夫。為婦所逐也。說苑曰。太公望故老婦之出夫也。賣肉不售。故曰廢屠。子良不知何人。仕

之。而見斥逐也。讎。售也。庸。用也。求售而不登。用也。高誘曰。賣庸。作不能自售也。是庸讀為傭。果然。空作庸

不離。管仲其鄙人之賈人也。南陽之弊。幽魯之免囚。桓

公用之。而霸。賈音古。○鄙人。邑名。弊。隱也。以貧賤隱

齊。故曰。免囚。百里奚。虞之乞人。傳賣以五羊之皮。穆公相

之。而朝西戎。相息亮反。朝直遙反。○傳賣。謂轉傳賣之也。文公用中山盜

秦而穆公用之。并國二十。遂霸西戎。孝公用商鞅之法。移風易俗。民以殷盛。國以富彊。百姓樂用。諸侯親服。獲楚魏之師。舉地千里。至今治彊。惠王用張儀之計。拔三川之地。西并巴蜀。北收上郡。南取漢中。包九夷。制鄢郢。東據成臯之險。割膏腴之壤。遂敗六國之從。使之西面事秦。功施到今。昭王得范雎。廢穰侯。逐華陽。彊公室。杜私門。蠶食諸侯。使秦成帝業。此四君者。皆以客之功。由此觀之。客何負於秦哉。向使四君却客而不內。疎士而不用。是使國無富利之實。而秦無強大之名也。宛於表反。下同。并併同。樂音洛。治直吏反。敗必邁反。從子容反。施以豉反。

華胡化反。內音納。○百里奚。秦走宛。穆公贖歸。施延及也。負猶累也。此言客有益於秦。而不宜逐也。

今陛下致崑山之玉。有隨和之寶。垂明月之珠。服太

阿之劍。乘織離之馬。建翠鳳之旗。樹靈鼉之鼓。此數

寶者。秦不生一焉。而陛下說之。何也。樹臣庚反。下同。數色主反。說音

悅。下同。○太阿。良劍名。織離。良馬名。翠鳳。以翠羽為鳳形。而飾旗。鼉。大魚也。皮可冒鼓。必秦國


之所生。然後可。則是夜光之璧。不飾朝廷。犀象之器。

不為玩好。鄭衛之女。不充後宮。而駿良馱。不實外

廐。江南金錫。不為用。西蜀丹青。不為采。朝直遙反。好呼報反。馱。馱

音決提。○馱。良馬也。所以飾後宮。充下陳。娛心意。說耳目者。

必出於秦。然後可。則是宛珠之簪。傅璣之珥。阿縞之



衣錦繡之飾不進於前而隨俗雅化佳冶窈窕趙女

不立於側也下陳猶後列也宛珠宛地之珠飾于簪

國東阿縣繒之精白者曰縞錦繡為緣飾以上皆宮

女粧飾也雅化閑雅變化而能隨俗也窈窕美貌此

言趙女善媚人也夫擊瓊叩鈸彈箏搏髀歌呼嗚嗚快耳目

者真秦之聲也鄭衛桑間韶虞武象者異國之樂也

今棄擊瓊叩鈸而就鄭衛退彈箏而取韶虞若是者

何也快意當前適觀而已矣夫音扶下同呼火故反

觀古亂反桑間於濮水之上桑林之間所得之

樂韶虞舜樂象武周樂今取久則不然不問可否

不論曲直非秦者去為客者逐然則是所重者在乎

色樂珠玉而所輕者在乎人民也此非所以跨海內

制諸侯之術也去起呂反○人民即謂客也林西仲

令不明重輕大為失計臣聞地廣者粟多國大者人眾兵彊則

士勇是以太山不讓土壤故能成其大河海不擇細

流故能就其深王者不却眾庶故能明其德是以地

無四方民無異國四時充美鬼神降福此五帝三王

之所以無敵也讓推却也成就也地無四方民無

益於國也今乃棄黔首以資敵國却賓客以業諸侯使天

下之士退而不敢西向裹足不入秦此所謂藉寇兵

而齎盜糧者也藉子夜反○業諸侯謂秦逐客立功

嘗引之此言逐客有害於國也夫物不產於秦可寶者多士不產於

秦國之臣也臣也臣聞地廣者粟多國大者人眾兵彊則士勇是以太山不讓土壤故能成其大河海不擇細流故能就其深王者不却眾庶故能明其德是以地無四方民無異國四時充美鬼神降福此五帝三王之所以無敵也讓推却也成就也地無四方民無益於國也今乃棄黔首以資敵國却賓客以業諸侯使天下之士退而不敢西向裹足不入秦此所謂藉寇兵而齎盜糧者也藉子夜反○業諸侯謂秦逐客立功嘗引之此言逐客有害於國也夫物不產於秦可寶者多士不產於

單國策正解 卷三 四十七 後周臣莊

秦而願忠者衆。今逐客以資敵國，損民以益讎。內自

虛而外樹怨於諸侯，求國無危不可得也。客見逐則怨，怨以入

諸侯故曰樹秦王乃除逐客之令，復李斯官。徐乎遠曰李斯

前諫逐客後建議坑儒皆以自便也

使逐客時獨議留斯當無是書也

考異 關君長曰：高本不收此章，而纂不取。吳鮑亦

從之。文選昔下有者字，史記穆作繆，文選求丕作

乘，邠史記無五子之子字，文選二十作三，此四

間有上字，君下無者字，內作納，用作與，史記崑作

崑，文選隨和作和氏，鼃作鱣，說皆作悅，則下無是

字，鄭衛作趙衛，宮作庭，下無而字，良作馬，西蜀作


蜀之，賦作缶，歌下無呼字，耳下無目字，史記詔皆

作昭，文選無下叩，賦意下有之字，人民作民，人無

也字，疆下有者字，民無之民，作久，西下無向字，無

而願之而字，外下有

以字，怨下無於字



戰國策正解卷三下 終

凡二十二章

